

Witteveen: "NAAM ku eksposishon spesial pa rekoudá mas fondo"

PROMÉ DONASHON PA RESTOURÁ BUSTO CHAKUTU

WILLEMSTAD.- E promé donashon pa por restourá e busto di héroe Felix Chakutu a drenta serka NAAM. Ta trata di un donashon di 5,000 florin di Karl Frielink di Spigthoff Advocaten & Belastingadviseur.

Di akuerdo ku direktor Inchi Witteveen di NAAM (Nationaal Archeologisch Antropologisch Museum) den un deklarashon na EXTRA, e donashon loyal aki ta kubri 50% dje gastunan di un total ku ta 10,000 florin.

"Tabata un donashon spontáneo di Frielink," Witteveen a bisa opviamente hopi konmoví, mirando ku gradualmente ta realisá drechamentu dje busto. "NAAM ta mashá kontentu

ku e gesto aki."

E direktor ta enfatisá ku e gesto aki a kai di sorpresa, komo ku no a kuminsá e proseso pa akumulá medionan finansiero, pa realisá e rekonstrukshon dje busto. Frielink ta un ehèmpel di ta kombibí ku e komunidad. Pa por kubri e sobrá 5,000 florin, ku ta enserá gastunan di transporte tambe, e fundashon dje museo arkeológiko i antropológiko, ta kuminsá ku un eksposishon djaweps awor, den hal di nan edifisio situá na Johan van Walbeekplein.

Witteveen: "E instituto mes lamentablemente no tin suficiente fondo, pa por kubri restu dje gastunan i un alternativa tabata di

organisá un eksposishon, pa por rekoudá mas fondo. Nos ta spera mas donashon."

Durante dje eksposishon, ta tratando na fia e potrèt di bròns di Felix Chakutu, ku ta den man di un grupo di patfender, pa engrandesé e totalidat. E obra aki tambe a keda realisá pa e artista Erwin de Vries na 1984.

De Vries mes lo no por restourá e busto ku tambe e mes a traha anteriormente, komo ku e no ta disponé di un 'bronggieterij'. Konsekuentemente lo mester manda e busto kibrá pa Ulanda, pa kual e gastunan ta estimá na 10,000 florin.

"Tin diferente oferta di vários empresa ku por drecha e monumento, ku NAAM ta evaluando

aktualmente. Manera nos tin e total di plaka menshoná, ta kuminsá e proseso di skohe definitivamente pa e restouradó. Direktor Witteveen ta optimista ku lo logra na akumulá suficiente fondo pa e restourashon por tuma lugá mas pronto posibel, pa por inougará esaki na luna di ougùstùs awor, na momentu ku ta selebrá natalisio di Chakutu.

"Ademas tur hende por hasi un donashon, sin importá e suma, riba kuenta di Fundashon NAAM ku ta 14242602 na Maduro & Curiel's Bank. Nos lo apresia tur yudansa, pa aselerá e proseso pa drecha e busto," segun Witteveen.

E busto di Chakutu a

disparsé den luna di april último for di su pedestal, despues di un ladronisia ku presumiblemente tabata pa koper. Despues a haña mayoria pida dje obra, miéntras ku a arestá un sospechoso den e kaso aki.

Den un akshon posterior, a logra di rekobrá e pidanan ku tabata falta, ku mester a forma kara dje luchadó. Desde e momentu ei, tabata opvio ku mester a kuminsá hasi e trámitenan pa por rekonstruí e piesa.

E robo di Chakutu a kousa konsternashon den komunidad, di tur huki i di vários índole. Tabatin gritunan di kastigu pisá pa esnan responsabel pa e robo, pa evitá ladronisiano similar den futuro.

MCB RED ZUMBA UN ÉKSITO ROTUNDO

WILLEMSTAD.- Djadurñingu último a tuma

risibí un T-shirt kòrá, a haña tambe un foyeto ku

Amigu ; "Papia kòrá! Si ta lat, no tin awa pa laba".

